



笏記疏文五字
不必字

梅溪先生後集卷第二十一

表狀笏記疏文附

饒州到任謝表

時遇主協五百年之昌期共理分符切二十石之重
寄試之民事簡在帝心中謝伏念臣奮身諸生隸業太
孳上皇親策擢居多士之先一陛下誤知眷出群臣之
右方御天之十日昇近地之一麾旋蒙召還屢辱賜對
親證之蘊幾展盡賈誼之言畧施行曾未閱於三時已
徧更於數載遽從憲府擢貳天官人言遭際之非常臣
懼寵榮之過分力辭成命果獲俞音榮聯書殿之名假
守更藩之郡身獲全於進退恩不替於初終况此楚東

之故邦實為江左之興衰頌真鄉英風如在范仲淹遺
愛猶存仁實何人可預茲選茲蓋伏遇 皇帝陛下法
舜受禪休冕定天廣收敷正而首及滯淹樂聽讜言而
不罪狂直遂選朝廷之士疇咨岳牧之臣雖地分內外
之殊而心蔑輕重之異知臣本出乎白屋謂臣可牧夫
細民札命十行憂分千里臣敢不仰奉德意刀宣教條
雖才非太公不能五月報政然忠猶杜甫未嘗一節忘
吾

夔州到任謝表

地易夔門難敢辭於蜀道心傾堯日遠尤甚於長安祇
拜訓詞惟深感涕中謝 臣頃由御史出守番易任甫及

於期年報幾聞於五月慕言言之烈於顏魯國孝優之
之治於范仲淹憂切戒於庸人第務近民之易罪或得
於巨室方知為政之難比因有疾而丐祠不謂誤息而
介閭况魚復素稱岩邑在坤維實為要衝苟非文武之
長才曷副蕃宣之重寄豈臣庸繆可稱使令茲蓋伏遇
皇帝陛下德方日新仁若天覆憫鳥道烏蠻之險有刀
耕火種之勞非善治不可以懷柔謂微臣或勤於撫字
錄其寸效畀以雄藩臣敢不究疾苦於閭閻布教條於
州郡觀武侯八陣居安未免於憂邊誦杜甫百篇有志
不忘於愛主

除敷文閣待制謝表

官自外廷既濫中樞之寄愚由上出復叨次對之除抗
章弗俞拜命增惕中書竊念臣才惟樛樛業本壘壘偶
逢神聖之作興妄意風雲之際會立螭螭筆方近清光
祀秀乘駘遽遣舟闕俯悵忠懷之莫及仰知天眷之未
衰竊列部而罷居帥垣自集英而超躋華閣易任誤蒙
於增秩撫躬深愧於罔功清議靡容牢絳不獲茲蓋伏
遇 皇帝陛下至仁接下大應包荒謂臣如汲長孺之
愚言多妄發知臣有蘇世長之短心不敢邪榮界重藩
許達從橐臣敢不益堅素守誓竭孤忠共理分符何以
副西清之選拾遺補過可能無北闕之書

湖州到任謝表

遠障承流之循良之善政近藩改命何履載之隆私祗
服訓詞彌增感涕伏念臣五年去國兩地分符饒俗浩
穰有難調之巨室夔疆瘠鹵介絕險之烏蛮但思治已
以先人豈忍奪民而生事故田里安其不擾而獄訟出
之稍稀敢曰懷歸實緣多病輒控祠庭之請屢干旒宸
之嚴既寬斧鉞之重誅復畀股肱之佳郡瞻清光於便
殿展素蘊之忠言謂能卹民象一天語之見獎徒以自
近佩聖恩其敢忘豈期衰遲有此遭際茲蓋伏遇一皇
帝陛下至仁兼被大智唯名憐臣守志弗欺共理猶知
於惠養憫臣奉躬匪懈事君或終於勤勞故此異除華
於朽質臣敢不持循憲度効法京師詠靈沼於真鄉深

体好生之德恢儒宮於安定益陶善教之風

泉州到任謝表

五年三郡蔑酬天覆之恩一托十行又拜春温之詔方
奉祠而竊祿遽共理以分符隆瞻不忘孤忠益勵中謝
竊念臣少不孝古晚方入官論事則意廣而才疎為郡
則心勞而政拙惟民是卹雖誤蒙金口之褒其毀乃來
終莫奪簧言之巧松菊方尋於三徑江湖復把於一麾
非神聖素察其衷豈臣下可得而薦辭避不獲顛躋是
憂况聞為負山帶海遐僻之鄉而泉乃富商大賈往來
之會詎容庸繆可備使令茲蓋伏遇 皇帝陛下堯仁
宅天舜智察物知臣無剥下益上之罪恕臣有抑強扶

弱之偏悟即墨之浮言界清源之善地臣敢不清白奉
已循良牧民富而可求第守不貪之實老之將至尚懷
有犯之忠

除敷文閣直學士謝表

任南國守臣之寄治効蔑聞綴西清學士之班聖恩誤
及牢辭弗獲下拜有慙中謝竊念臣李術空疎性資愚
蠢蚤躬耕養妄懷干祿之心晚竊科名誓竭事君之節
許身自比於稷契得時况過於唐虞上上皇 親握之
於布帛 陛下又置之於臺省徒屢膺於任使竟莫報
於涓埃去國八年分符四郡竟年齡之云暮致疾病之
交攻藥百試而莫痊祠三乞而不允心勞政拙僅同下

考之陽城金賜秩增有愧能名之黃霸端分宜黜蒙恩
若獲茲蓋伏遇一皇帝陛下仁覆遐遐賞從忠厚與人
不求其備嘉善而矜不能謂臣雖不達於時宜知臣或
稍諳於民事寔昇侯藩之重超陞庭閣之榮臣敢不仰
務分憂俯當盡率拾遺補過雖良臣之願莫訥宣化承
流庶循吏之風可繼

除太子啓事賜衣帶謝表

歸依故里首叨宮尹之除趨對便朝猥被身章之錫省
循何幸俯懷難勝伏念臣有不移之忠無適用之器襲
布帛而自薦綉鞶輒以奚為分三服之珍方曳裾而自
媿拜九環之重竟委佩之有光夫何衰病之軀仰冒優

蕃之宥茲蓋伏遇一皇帝陛下教子以義方之訓好賢
如緇衣之詩借以光華欲其贊翼惟少成若往但知歛
衽之恭而非礼勿言敢後書紳之戒誓殫綿力少吞殊
私施

慰皇后上仙表

坤元資万物之生贊成乾道慈母棄敷天之養痛摧子
心仙馭益遐宸裏尤切恭以一 大行安恭皇后穆木逮
下葛覃儉躬嬪外邸以稱賢位中宮而配聖教豈有定
年胡不長恭惟一皇帝陛下道盡人倫治贊陰教諒聖
情之攸繫眷懿範以难忘功配九人迹可稽於彤管神
游八極燕永阻於瑤池然而上奉兩宮下臨九有願上

寬於悲悼庶無爽於和寧

賀皇太子戡

廷揚大號位正前星肆赦以重承祧臨軒而備典禮慶
廷宗社歡洽華夷恭惟皇太子殿下挺岐嶷之姿蘊
寬大之德佩禮樂詩書之丕訓明君臣父子之大綱孝
友行乎宮中仁智聞乎天下眷主義方而能教法不抗
於伯禽嗣君嫡長而又賢護矣煩於四皓某官守已微
神馳帝鄉仰日月山海之攸重喜七鬯粢盛之有守愚
裏敢獻願日近於正人聖孝益修當愈明於上性

慰皇太子表

人心所繫方聞出震之音天道難知遽隕前星之耀計

聞率土痛切輿情恭以皇太子殿下挺岐嶷之姿秉
溫恭之德喜愠不形於色其心有容仁誼以飭其躬有
儀可象護不煩於四皓斷自出於一入福善難憑降年
何促恭惟皇帝陛下愛鍾子聖仁篤父慈澤雖沛於
金雞藥不灵於扁鵲諒肝食宵衣之際與問安視膳之
思然修短皆繫乎天雖聖賢莫逃於數昭明有孝宜為
梁室之儲子晉已仙願釋周王之念

辭起居舍人狀

竊以起居之職言動是司若無幸而不書事有聞而必
奏於清光為最近直筆而尤難非得名儒曷稱妙選
臣李術淺陋性資狂愚上皇策之於布衣誤被親擢

陛下識之於潛邸首膺召除方居列宿之聯輒貳司成之教細書史館進說經筵皆孝者之至榮豈臣愚之敢望蔑有寸效遽叨峻任必致可畏之言以速不才之咎仰祈眷眷追寢異恩俱愚分之獲安庶輿論之惟允所有恩命未敢祇受謹錄奏聞伏候 勅旨

辭免兼侍講

臣伏准 勅旨除臣兼侍講者臣聞命驚震固知所措竊以歲輒屢廷者古人之所深戒身兼數職者通才猶不克堪臣近被召還濫官執秩與史館編摩之選叨露門講說之聯每拜命而若驚嘗力辭而不獲辰未再浹而遽貳左李翔絕五易而躡陞右螭俱弗稱於一官可

更燕於兩毗况請讀方執經而入侍而記注常執筆而在旁各有攸司若何可攝將物議之不克謂聖恩之或私敢望睿慈追寢成命遴選碩季講聖人所親作之經庶俾愚臣專天子不自觀之史

辭免侍御史狀

辭免第二狀

辭免權吏部侍郎狀

臣今月十二日伏准省劄奉 聖旨除臣權吏部侍郎日下供職者臣緣今早上殿自劾不合力贊一陛下恢復及委任張浚事乞罷 臣侍御史之職仍賜竄謫今來得旨除 臣上件職是求罪而得廷何以塞群議 臣不敢

供職所是省劄已繳納尚書省臣今居家待罪欲乞養
斷降出臣自劾之章使中外曉然咸知臣罪速正典刑
以為臣子之戒

辭免第二狀上

辭免除集英殿修撰狀上

饒州乞祠狀上

辭免知夔州狀上

題應係一狀字

梅溪先生後集卷第二十二

啓

及第謝宰相

地借玉階恭上萬言之對名登虎榜濫居千佛之先瑞
分踰涯撫躬知愧竊以奏言試功者堯舜遺意臨軒取
士者祖宗令規一新熙寧之科備見神廟之志謂三題
不足發子大夫平日之蘊蓄而群策可以陳我國家時
政之闕遺著為永彞以辛多亡夫何首當時之選者無
切直之論遂使擬進士之對者有阿諛之譏既波瀾以
相承致源流之浸失近代尤甚澆風益滋大臣多忌而
動有嫌疑孝者懷憤而莫伸搜槩物極必變道關始公

申嚴密之禁而務在令行防壅蔽之害而悉闕聖覽未
忠讜則丁寧有詔第高下則寔褒有辭既嘗清明不諱
之朝宜得瑰偉非凡之士如某草茅賤子庠序無生由
行藝以進升厠英髦而旅試俯慚俗李策無可取之二
三仰懼天威事去欲陳之五六念交淺言深猶或不可
非主聖臣賢其能有容龍匪怒其嬰鱗龜偶居於前列
上自親擢受知不減於孫洪言畧施行悟意有踰於賈
誼靜惟僥冒抑有夤緣茲蓋伏遇僕射相公以道事君
無私應物蚤羽儀於法從茂著忠嘉今掌握於化均亟
圖康濟坡露封章之請益開宸聽之聰獎勵進言得裴
宏中之大體深術譏政戒李吉甫之偏心蓋將植太平

之基豈獨為諸生之賜某敢不益堅儒業恪守官箴勉
來事之可為慕古人而有作不負天子惟殫精白之心
願為良臣與奉周旋之誨過此以往未知所裁

張叅政綱

某官厚德鎮浮宏材拔萃為一時之耆彥聳百辟之表
儀明以保身揖高風於赤松子任而共政繼前列於曲
江公欲振起斯文於委靡之餘遂將順其美於聽納之
際

陳樞密誠之

某官稟純粹清明之姿富博洽宏深之學茂明大對推
桂林之一枝踐歷要途搏鵬程之万里夙膺宸眷進趨

兵摧材兼文武而夷夏皆觀崇冠古今而縉紳景慕
昔漸陽公之德化竊嘗聞夫子之文章方慚不肖其
模何意克傳其衣鉢

楊侍郎椿

某官李極群書文優四傑繩繩議論有眉山先生之流
風籍籍聲稱繼閔西夫子之遺懿允矣儒林之冠儀乎
從橐之班承師枕席而既被作成奏對楓宸而復膺推
奐

李侍郎琳

某官模楷士流羽儀朝著分符便郡循良遠過於龔黃
持橐從班儒雅同稱於班馬比膺詔綽親職文衡董委
靡而振士風進忠讜以當上意

賀侍郎允中

某官為世儒宗握時文柄實杜牧於高第本崔郾之公
心號李白為謫仙見李真之雅識為盛代而開公道贊
吾君而求直言遂致繆庸首膺選擢

劉侍郎才邵

某官學校舊人文章大手仁為已任典刑備著於老成
道與時行德業兼全其久大峻班行於筆橐演誥命於
絲綸主張斯文提撕後進

王侍郎侯

某官朝著老成士林碩望蚤被知於宸衷久更踐於禁

琳食應作林食

途出鎮侯藩藹黃霸循良之譽入司國計得劉晏取予
之宜欲振起斯文於委靡之餘故將順其美於聽納之

陳侍郎康伯

其官器粹珪璋孝深淵海蚤著士林之望亟膺宸眷之
知高玉山恬養之風又淹琳食復紮崇清華之舊超冠
天官欲振起斯文於委靡之餘故將順其美於聽納之
際

張侍郎

其官學海淵深量陂宏大蚤著士林之望又膺宸眷之
知居務論思豈獨得舉陶之理發明仁恕蓋能紹廷尉

之平欲振起斯文於委靡之餘故將順其美於聽納之
際

王舍人綸

其官心醉六經名先四傑詞章典雅有漢朝制誥之風
衡鑑精明繼宣公考校之盛振起吾道主張斯文遂令
舉首之榮濫蜀宗盟之末

趙舍人逵

其官挺秀坤維結知天眷策名龍首茂騰四海之英聲
執筆螭頭益厚一人之寵遇振起吾道主張斯文遂令
射策之諛聞輒繼傳衣之盛事

周舍人麟之

途出鎮侯潘鵠黃霸循良之譽入司國計得劉晏取予
之宜欲振起斯文於委靡之餘故將順其美於聽納之
際

陳侍郎康伯

某官器粹珪璋孝深淵海蚤著士林之望亟膺宸眷之
知高玉山恬養之風又淹琳食復紘崇清華之舊超冠
天官欲振起斯文於委靡之餘故將順其美於聽納之
際

張侍郎

某官學海淵深量陂宏大蚤著士林之望以膺宸眷之
知居務論思豈獨得舉陶之理發明仁恕蓋能紹廷尉

之平欲振起斯文於委靡之餘故將順其美於聽納之
際

王舍人綸

某官心醉六經名先四傑詞章典雅有漢朝制誥之風
衡鑑精明繼宣公考校之盛振起吾道主張斯文遂令
舉首之榮濫蜀宗盟之末

趙舍人逵

某官挺秀坤維結知天眷策名龍首茂騰四海之英聲
執筆螭頭益厚一人之寵遇振起吾道主張斯文遂令
射策之諛聞輒繼傳衣之盛事

周舍人麟之

某官巍擢異科荐更要職黼黻河漢祠章不減卿雲羽
儀天朝人物有如晉宋振起吾道主張斯文遂令葦爾
之才輒玷褒然之舉

孫少卿道夫

某官挺秀岷峨騰英庠序揆黼黻之文於方冊藹袴襦
之詠於蕃宣瑣闥來歸快郎星之先覩曲臺進擢仰鄉
月之清輝比掌文衡親承御札哲鑑獨高於衆目狂言
特薦於匹夫幸出自天恩歸無地

周侍御方崇

某官剛毅不回精忠自守雍容禁近筮鷺而接變龍
排繫姦邪若鷹鷂之逐鳥雀比膺詔綍親職文衡猥收

狂率之言上副 聖明之旨

王殿院珪

某官受氣剛方立朝挺正位升橫榻益揚蹇謬之風望
著中臺克盡糾繩之職力主張於公道務振起於斯文
遂致妄庸叨膺選擢

凌司諫哲

某官勁持不回端方自守直言中病有王魏善諫之風
去稟暴焚無管晏暴君之失力主張於吾道務振起於
斯文遂致繆庸誤膺選擢

王郎中剛中

某官問學淵深氣節洪毅楓宸射策名切亞於龍頭蘭

首懷香望獨高於鴻序惟文柄之有屬体上心之欲求
獨以平衡志不回於馮宿借之褒充言有死於劉蕡遂
今舉首之榮濫被宗盟之末

孟邵王

某官器粹瓊璫慶傳珪組襲亞聖大才之儒雅光隆祐
奕世之德勲政邁龔黃作股肱於藩郡望高陰馬資師
肅於懿親方詔復蓬萊之遊俄榮拜瀛洲之長有光吾
道將振斯文遂令菟瓊之流首被甄收之列

與紹興趙蛟撰令詔

假道治封曾快瞻於趙日効官幕府遂託均於蘇天是
遠有期崔翟良甚恭惟某官宗盟擢秀桂籍揚芬蘊無

施不可之才著所至有聲之績儒雅昭同於歆向德名
無愧於間平將命外臺威動南閩之山嶽分符巨鎮謠
興東越之袴襦矧茲會計之邦實踞蓬萊之地俯臨禹
迹仰切堯階為二制之雄藩總七州之生齒既近而大
有如此非親且賢其孰宜坐收作牧之功克壯維城之
勢治優方面姑為分陝之召公心在朝廷行作相周之
衛武某東嘉白屋太李鯀生慙無董相之文偶擢平津
之第向來披霧識金枝玉葉之標此日望塵與綠水紅
蓮之客材自慙於樗櫟賜端賴於併懽尚期國士之知
庶免簡書之責窮馬穴稽山之勝竊效馬廷賦鑑湖秦
望之奇願陪元稹

與邵提刑大受

慎水望塵幸識紫芝之眉宇稽山允哉願登元祀之門
墻行遠鳧遂預深雀躍恭惟其官道備德美材通器閱
我史中外而所至有声節著險夷而無入不得方天子
重外臺之寄以星郎摠列郡之權幹山海之歲劉晏明
於取予聽獄訟之會不疑多所平反已觀報政之成矧
復去天之近文帝受釐宣室久有所思望之雅意本朝
寧勞于外如其者簡臺末裔槐市鯁生慙無董相之文
偶擢平津之第紅蓮綠水方期遠宦於秦淮手板青衫
茲幸近遊於禹會昔快披雲之願今諧執御之私從政
未優何止受東諸侯之約束資身無策更當借部使者

之吹噓

答蕭山宋知縣敷

厠迹縉紳稔服箕裘之譽効官藩府偶同州縣之勞雲
披未諧山仰弥甚其官中朝大族當代偉人世著才名
喜景文之有後業博清白得廣平之遺風暫淹万里之
鵬程矧試一邦之牛刃下車未久製錦已優願勤撫字
之心益著循良之治坐見鳴琴之化無規魯恭行膺褒
德之封有同卓茂

答嶧縣丞

窮居慎水未遂識韓易任稽山竹垞訪戴某官人材現
異吏事優長暫淹千里之騰嶧未贊一同之教化况刻

察蘊秀之地貳令為難以博愛德學之賢負亦何有不
待報政行膺美除

答上虞陳縣尉

隸業賢閔共十載壘益之苦功官藩府分一時州縣之
勞結同舍之金蘭對尺書之面目披雲有自傾蓋可期
某官種學淵源負才卓犖馳英聲於槐市擢榮第於桂
林白面紅顏神作神仙之隱吏金章紫綬行為臺閣
貴人輿論所期私心尤祝

答來司戶師韓

厠迹縉紳雅欽高譽劾官幕府遂獲同僚未遑尺牘之
修遽辱明緘之及某官家聲素著吏季宦優州縣勞人

姑為阮瞻三語之揚文武有種行繼李唐四子之風靡
待政成佇膺詔擢

與都提舉

伏審光被宸恩榮持使節輟握蘭之高選臨製錦之舊
遊除日初頒提封交慶恭惟某官裔傳臨晉秀提丹陽
早收科第之榮屢更州縣之職學無入而不得治所至
而有聲帝謂儔若子工姑暫勞於作匠官雖上應列宿
寧久困於為郎方清朝重外臺之權以大賢膺列郡之
寄后稷居播奏之職能懋廷於有無劉晏幹山海之歲
宜益知於取子第恐宸心之念賈佇聞詔墨之召參誓
屈使軺郎持從橐

此作排擊手

與安撫王閣學師心

伏審光膺宸命榮發大藩輟喉舌之近司畀股肱之重
寄除音初布輿論文歡恭惟某官望重三朝才高列辟
學通今古而無入不得任更中外而所至有聲進長天
官帝命素優於出納屈臨方面王畿允賴於藩宣矧茲
會計之邦實號蓬萊之府俯臨禹會仰切堯階為二浙
之雄都揔七州之生齒既近而大有如此非勲且賢其
孰宜坐收作牧之功益著惟良之績越國之人方瘠上
之委任固非輕漢庭之位尚虛公之來歸其非晚某備
負幕府託此悒悒民事未知寤寐敢忘於天語仕途初
筮吹噓端藉於宗工

賀趙侍郎令詔

伏審光奉宸命榮遷地官親賢見用於朝中外罔不相
慶某官玉牒歆向朱轡趙張豈惟標準於宗支固甚練
達於吏事使輶屢駕興南閩十好之謠符竹荐分繼劉
寵一錢之譽果蒙親擢巍領貳卿方固廩之未豐在版
曹為允急省用斯能足用生財莫若節財願於論思獻
納之時力陳本末源流之計贊漢文之儉德革唐室之
私藏無若延齡援經誼以惑主宜同李絳不進獻以結
恩要令粟腐於太倉周使錢泄於異境主聖如此公言
必從坐收取予之功行處弼諧之任某叨與幕府獲依
大賢雖贊畫有愧古人然至室必以公事性素傷於愚

直事每荷於寬容顧虞翻之榻猶存由象矣下想元札
之門益峻未遂重登輒整微誠遙馳尺牘

謝王舍人剛中

伏惟照牒舉某自代者賫書東州仰藉宗盟之匹判章
西掖誤蒙國士之知寵過衮衮銘深肺腑竊以官居倚
從則職在薦士識挺特達則心能及公顧雖自代之虛
文必引所知之同類歐陽持素以器識而推呂東坡視
草以文行而舉黃率由臭味之同遂有齒牙之信不事
請託自膺薦揚如某者學最空疎文尤荒陋偶中楓宸
之第叨為蓮幕之賓民事未知惟恐有負於天子王言
是代豈期見舉於公朝望外蒙恩願聞增愧茲蓋伏遇

某官學貫經史文成訓謨有江左河汾之風流如嘉祐
治平之人物得用捨行藏之正氣不下於權臣當論思
獻納之秋舉輒先於寒士遂令庸繆妄辱品題某敢不
益勵操修無忘許與求之以文而應之以實端拜贈言
勉其不逮而增其不能用酬知己

答王宮教必中

備員幕職雅懷慕藺之誠闡教宮庠行遂識韓之願遠
勤緘翰仰佩撝謙某官望重江南群空集北芹宮得雋
實多士之宗儒棟莖齊名皆一昔之人傑式觀介弟之
器識仰見難兄之範模將儀表於天朝姑作成於宗子
庶俾神明之裔陶成信厚之風

頌誤訟改正

答周主簿賀正

行夏之時允協三陽之應履端於始光膺百福之來德
荷過謙禮象倒置某官望隆越絕秀蘊刻鵠躍天池
偉矣周郎之年少鷲棲枳棘蔚然仇覽之才華某叨預
同年獲伊巨庇賦椒花之訟獻雖後於元正占茅茹之
交身必同於他日

答慈溪姚知縣應辰

昔登蕃榻雅蒙眄睐之私茲宦蠡城首辱緘封之賜俯
增銘感仰佩謙冲某官操行絜修性資深厚克振箕裘
之業荐更州縣之勞斯立不負丞吏寧容於摘紙子存
善為宰治何勞於割鷄課鼠已聞召擢伊邇某濫塵科
第叨與幕僚顧僥倖之為多實獎提之有自報鯉書之
不晚負負何言瞻鳧舄之匪遙拳拳不替

與徐提刑變

伏審光膺宸命榮總憲綱政已報於江東臺復移於浙
左快覩除日慶溢部封恭惟某官天賦材猷家傳事業
蚤登群玉之府上應列星之經輝棗壘於一門結棠陰
於兩郡方外臺之寄為甚重非識治之材其孰宜劉晏
理財何止為管籥之亞有功治獄當遠過于張之賢誓
屈使輅佇持從橐某漢庭竊第越幕備負民事未知有
負 聖天子之明訓仕途初筮尚期部使者之寬容

答會稽錢知縣

宗官家傳忠孝世襲蕃纓治所至而有声才無施而不
可矧會稽之大邑實吳越之故封先王之遺愛尚存百
里之良民易化况舊令尹之治方結於去思聞今大夫
之賢益快於先覩靡俟報政佇膺迅除某竊第懷慙備
負亡補幕中賫畫叨為王儉之下僚堂上鳴琴行觀羣
文之美化

謝王安撫

伏唯照牒舉某應四條旨揮者楓宸射策濫居多士之
先蓮幕效官誤玷四條之選感深肺腑愧溢面頰切以
國家廣敷路以取人神聖集晨賢而共理既以進退黜
陟之權畀之宰相吏部又以按察舉刺之職委之郡守

監司逮元祐之乘簾起大儒而當國舉直措枉紀綱既
正於朝廷激濁揚清除目載頌於郡縣去苛佞貪懦之
四害取仁明廉直之數長議雖建於當時事始行於今
日首膺茲選若唯其人如某者素無技能偶竊科第積
畫雖久膏然民事之未知忤意何多嗟爾人言之可畏
息未酬於親擢期甫及於終更退而自顧則寸無所長
進欲有為則尺未嘗枉譽誰肯借况無韓子之三書薦
不侍求忽拜山公之一字靜惟僂冒抑有夤緣茲蓋伏
遇某官一代宗儒三朝耆德入處天官之長出居方伯
之尊循良愛邁於龔黃寬厚昭同於婁郝雅意本朝而
忠可見嘉猷我后而人不知建文正之祠用清白以規

下行溫公之議薦賢才而報君遂致繆庸亦膺甄錄某
敢不益持士檢恪守官箴懷惓惓賦馴之忠勵蹇蹇王
臣之節就有道而正己為可用以待時朝拔一人而莫
拔一人叨與取尤之列待以國士而報以國士敢忘知
已之恩

荅諸暨王縣尉萬章

地震颶閩叨與宗盟之末朕分州縣獲同王事之勞首
辱明緘仰欽厚德某官才高四傑望重三珠騰槐市之
英声擢桂枝之高選東州蒞仕暫宣綵捧之威當宁急
賢行應紫泥之詔某備員亡補竊食懷慙泛綠水而依
蓮倦游儉幕具扁舟而把釣欣遇梅仙

荅邵縣尉謝鮮

賦藝潛基登名天府魏中有司之選仰欽所業之精縉
紳望觀縫掖散慕某官群空異北風繼召南試混諸生
不作衛公之耻材優萬中果騰張鷟之聲富貴殆將逼
人科第何足恩子佇從山吏徑到達山某叨與同僚獲
觀盛事都騎顧我端繇臭味之同長歲拜嘉輒講報投
之好

荅陸鮮元謝鮮殊

得雋文場登名天府巍亞褒然之舉仰欽卓爾之才鄉
詳甚休言論無異鮮元雲間馳興筆下有神明疏通知
遠之經工篆刻彫蟲之技慶囊脫穎何止定平原之從

射策決科行將擢公孫之第某倍數幕客獲觀萬書寫
喜東州之有人預期南省之得士

答高解元謝解

游翰墨之場後同子美登賢能之籍名繼牧之有司甚
明古論無異解元家声翰魯經文字義文手劍登壇作平
原定從之容筆鋒鏖戰繼濱淵却敵之風鼓勇春闈唾
手逮第

答諸葛解元謝解

將翰墨場雅負少陵之志登賢能籍兼聯必阮之名鄉
評甚休士論無異解元譽擅文虎風傳臥龍明溫柔敦
厚之經工篆刻彫蟲之技處囊脫穎何止定平原之從

射策決科行將擢公孫之第

答周主簿賀冬

日導南陸君子之道方亭律應黃鍾天地之心可見肇
迎長景崇邦短歲某官學不止於決科材已優於為政
寫鳳樓枳棘暫淹州縣之勞鵬鷲在秋天行赴功名之
會顧一陽之初復茂百福以來綏某托庇同年竊祿仙
里登觀臺而空方執筆以書雲懷剡溪之人欲挈舟而
興雪

答孫通判

觀喬木而思世臣雅欽偉望泛紅蓮而將幕府叨與下
僚第云官之匪遙恨事賢之太晚明緘下拜謙德有光

某官挺生相門妙有家學與公之才名冠世親得其傳
淑教之陰德在人固且有後先正亡而象賢在權臣死
而公道行宜相繼於鳳池寧又淹於驥足行自別乘崇
躋要途某竊第懷慙効官無補贊南陽洪農之畫有愧
范岑賦監胡秦望之奇願陪元寶

除館職謝宰相

右某蒙恩授前件職者泛幕府芙蓉之水吏責幸逃登
道家蓬萊之山息光誤及俯慙諛學濫與英躔竊以地
號西崑象符東壁兩京事實石渠天祿東觀皆其名一
代人才劉向揚雄班固為之傑逮我有國允清此途名
蕪三館之崇事異群司之比書藏延閣富不減於開元

得當時避諱

劉羸洲榮愈加於正觀有下筆如神之士無上車不

落之流器業於是乎成公卿多自茲出雖曰文行素著
科目最高必俟大臣之薦論斯用故事而召試力可求
而得者則禁其私請書不程而命者蓋出於異恩韓魏
王奮自甲科猶薦而後召蘇內相擢孫制舉亦試而後
除孰謂不才乃叨殊選伏念某性資愚鈍術業空疎遊
三舍於廣場屢焚筆硯終一星於太學始脫蓬蓋瞻天
顏咫尺之威借玉階方寸之地初乏茂明之對偶膺
親擢之榮誦言豈逮於劉蕢試吏僅同於蕭傅固幸効
太史之探穴然未若中郎之得書期方幸於及瓜言旋
東梓坐靡容於暖席遽奉絳綸晚迹諸侯之賓觀光群

某官挺生相門妙有家學與公之才名冠世親得其傳
叔教之陰德在人固宜有後先正亡而象賢在權臣死
而公道行宜相繼於鳳池寧又淹於驥足行自別乘崇
躋要途某竊第懷慙効官無補贊南陽洪農之畫有愧
范岑賦監胡秦望之奇願陪元寶

除館職謝宰相

右某蒙恩授前件職者泛慕府芙蓉之水吏責幸逃登
道家蓬萊之山息光誤及俯慙諛學濫與英躔竊以地
號西崑象符東壁兩京事實石渠天祿東觀皆其名一
代人才劉向揚雄班固為之傑逮我有國尤清此途名
蕪三館之崇事異群司之比書藏延閣富不減於開元

入到瀛洲榮愈加於正觀有下筆如神之士無上車不
落之流器業於是乎成公卿多自茲出雖曰文行素著
科目最高必俟大臣之薦論斯用故事而召試力可求
而得者則禁其私請書不程而命者蓋出於異息韓魏
王奮自甲科猶薦而後召蘇內相擢孫制舉亦試而後
除孰謂不才乃叨殊選伏念某性資愚鈍術業空疎尋
三舍於廣場屢焚筆硯終一星於太學始脫蓬蓋瞻天
顏咫尺之威借玉階方寸之地初乏茂明之對偶膺
親擢之榮誦言豈逮於劉賈試吏僅同於蕭傅固幸効
太史之探穴然未若中郎之得書期方幸於及瓜言旋
乘祥坐靡容於暖席遽奉絲綸脫迹諸侯之賓觀光群

王之府識曷堪於是正誦寧免於何如魯三威七穆之
未知豈八索九丘之能讀堅其所守而已佩 聖訓而
不忘非爾其誰居之拜 王言而增媿茲蓋伏遇 國
史僕射相公事業稷卨文章訓謨寅亮天地弼予一人
端能得宰相之體旁招俊乂列于庶位將以立太平之
基好賢每過於緇衣下士罔遺於白屋况內以國本未
足之為念外以敵情不測之是憂陽非衆則曷能勝陰
文不修則何以濟武 神聖以安危注意社稷之輕重
繫公 無競維人大亨以養一舉得垂天之翼燕收車敗
鼓之皮謂昔嘗涵於文衡故今復歸於化治其敢不芸
披蠹簡燭照神藜讀昔香未見之書覲聞大道行宣公
不負之學願事聖君過此以還未知所措

陳右相

志存社稷身任股肱宰相以鎮撫四夷莫予敢侮才夫
當掃除天下舍公其誰謂事君莫如以入故在上必引
其類

王樞密

有仁者之勇以直道而行幾微不見於面顏精神折衝
於樽俎忠義有激太山其一擲之輕議論所加敵掃增
千金之重

葉樞密

養以剛大動惟直方正色霜臺嘗落李祐之膽決勝籌

惺必寢淮南之謀謂事若莫如以人故在上必引其類

荅梁狀元

漢廷多士策董相以天人閩產異才榜歐陽於龍虎雋
聲藉甚輿論翕然伏惟狀元譽重泉南群空異北鄉薦
屢居於前列士流咸伏其下風繇蘭省以巍登造楓庭
而旅試論列歷代則深明治體條陳三弊則咸切時宜
有司第其文實在三人之列天子異其對擢先萬國之
英富貴行將逼人科第固已恩子願行所學以報吾君
某切與周廬獲觀大對常晁孫之盛事 屬灝固之名家
第欣首聽於傳臚詎敢妄論於衣鉢都騎顧我端絲臭
味之同長牋拜嘉輒請報投之好

荅許狀元克昌

欽雅望於月評簪纓世襲冠雄文於策士衣鉢家傳
論翕然雋聲籍甚伏惟狀元種學良苦摘詞晁工試屢
混於諸生不作衛公之恥文四舉於禮部始成韓子之
名建茲旅奏於廣廷果能展盡其底蘊問當今之務則
固悉陳其大体論歷代之治則以為無所容心故事有
拘雖屈居於王後大名已著其誰能與許爭行所學以
事君踐斯言而正已佇從仙吏徑到蓬山某備員殿廡
欽閱廷對竊喜鴻臚之唱首傳太嶽之孫慶熙朝之得
人辱都騎之顧我銘感謙德嘉臭木之相同珍藏盛文
之瓊瑤之足報

谷丁狀元時發

廣廷待問竊喜朝陽之鳳鳴平地登仙成羨遼東之鶴
化輿論甚美斯文有光伏惟狀元挺秀海陵蜚聲天闕
文掃科舉之習言懷明私之忠以元氣之盛衰喻國體
之治亂論一國一代一時之政有寢明寢昌寢微之風
如使生漢文之時諸老其孰先賈誼假令居李唐之世
有司必不第劉蕡因吾子之敢言見清朝之不諱願據
素蘊以事聖君某叨與周廬欽閱大對喜皇朝之得士
知天下之有人聽臚唱之傳增縉紳之氣都騎顧我譬
草木臭味之同長牋拜嘉之瓊玖報投之好

谷南劍州王守密

備負冊府誤叨佐議之榮託庇宗盟重拜朋緘之貺俯
慙僥冒仰佩謙冲某太學軀生東嘉吟族折蟻宮之柱
濫廁薦紳泛幕府之蓮獲事君子幸逃罪戾荐被寵光
燭照神藜與英躔之末選書紳金匱專史筆以何堪拜
命若驚蒙恩有自某官家傳政學天賦材猷半刺東州
聊展騏驥之足一麾南郡行歸鴛鴦之行不棄故僚由
加厚禮對尺書之面目如見德容望千里之門墻莫伸

謝臆

谷温州詹通判堯可

歡騰梓里共稱半刺之賢祿竊蓬山遽拜朋緘之貺俯
懷愧悞仰佩謙冲某官秀挺玉山望隆渤海訓早聞於

詩祀業不墜於箕裘先正言居宣政之間凜聞風采賢
別乘貳濠温之郡蔚有聲名初登感彩之堂首賚褰帷
之治龐士元駟驥之足庸能久淹謝康樂山水之州固
已改觀况聖君懷故國之喬木而太史有封事之甘棠
必起象賢以慰輿論其東嘉冷族西觀小官喜父母之
邦得神明之吏對尺書之面目如見德空望千里之門
墻莫伸賀臆

吞樂靖徐令森

牛刀再鼓烏鳥遠臨喜子晉之江山得偃王之苗裔首
拜朋鏡之貺仰知謙德之光某官天賦吏材家傳政術
倦將仕路飽諳閩浙之風荐縮銅章盡得温台之地

况此樂成之小邑有同臨海之近州吏苟非賢人亦好
訟允賴循良之治痛懲貪鄙之餘覩已爭先來何太暮
某象恩補外需次還鄉幸父母之邦得神明之吏見書
中之面目已得其人聽堂上之絃歌願觀其政

吞曾知郡汪

竊第奉常雅資博約備負冊府端藉吹噓敬觀褒借之
詞仰佩謙光之德某官心傳一貫名繼三曾學探天人
膏止文章之富才宜臺閣詎容州縣之淹昔游宦於樂
成最留心於鄉校經橫絳帳躬率諸生遂能於數載之
間翕然變百里之俗弦歌滿邑化端自於言游龍虎成
名功實歸於常袞遂令愚繆亦與作成某敢不益勵操

修用酬知遇對尺書之面目如際高標詠雙柱之篇章
亭忘盛德

與梁司諫

失審光膺親擢榮陟諫垣方朝廷多事之秋承風俗積
弊之後內有群陰之壅蔽外有強敵之憑陵當言者不
言而惡人之言已嘗斥立仗之馬今日乃何日而不鑒
昔日其可忘覆轍之車茲幸正人進當言路固宜犯顏
而首論大事毋用削藁而務為小忠天子以為是諫官
以為非言嘗聞於前輩君子有所恃小人有所畏人皆
望於明公庶幾無媿古者之七人斯能上繼先朝之四
諫某受知有素贊喜尤深輒獻狂瞽之言以為蹇諤之

助

答賀封贈

色慘松楸思親不見恩露泉壤拜命增悲媿謝臆之未
據辱賀賤之先及其為感激罔罄敷宣

答樂清洪縣丞藏

詠南國之甘棠久思召伯對藍田之鉅竹喜見崔丞朋
緘寵貽謙德加厚某官心傳家學天賦吏材挺挺有祖
風翩翩佳公子先尚書承流宣化遺愛猶存賢貳令種
學積文負丞何有贊一同之教化繼八座之箕裘靡待
政成郎膺詔擢某鄉評下士祠祿冗官喜父母之邦得
神明之吏視印未久已驚鳧鳥驚鳥之行掃門有期一快鳳

星之觀

與張侍郎聞

伏審光膺宸命榮貳冬官侍帝幄以橫經極儒臣之高
選恭惟某官抱器遠大稟資直方昔游冊府而讀異書
首忤權臣而歸故里二十年不調節尤著於固窮五百
歲相逢力蓋懸於稽古燕公乃東宮之舊番侯為帝者
之師願於論思獻納之時力贊剛明果斷之非登衆賢
而開治表慰四海之想中興此多士所望於公非小子
敢私其祝倚頌大拜式慰輿情

荅新昌李縣丞結

聞諸公文譽願登元禮之門見千里尺書已識泰和之
面第朋緘之禮太厚致下拜之容有慙仰佩謙謙俯懷
栗栗某官元精華胄河洛名家摘光豔於唐翰林文固
有種探淵源於周天下學豈無傳委工五色之詞宜繼
八埒之譽戰則必克恥混試於諸生丞雖負于矧貳令
於一邑雅負經綸之業豈淹州縣之勞佇自松廳徑躋
蘭省某方竊祠廩誤膺郡章退惟僥冒之餘涼自吹噓
之素登會稽而觀禹穴雖歲月之不同夢春草而思謝
池顧精神之已接

梅溪先生後集卷第二十三

啓

谷俞授舉傳

備負規市濫接英游載筆竊切誤膺親擢與史
 之選叨經帙講讀之聯才素乏於寸長身局蹐於
 靜惟僥冒端自吹嘘其官一代宗師四方儀表
 以儒者之術且其有育材而得天下之英可謂
 傳衣鉢者不知幾輩登明闈者皆第一人觀其
 得志知其樂人之為善遂致狂妄亦蒙獎提見
 目之書龍已華於衣繡記一人言動之實託方
 矜

荅樊提刑允遠

海諸生於館下濫與英游職內史於鑄頭誤習禮儀
與編摩之選仍叨誦讀之聯才素乏於寸長身易培
數我思翰望外規溢顏間某官諸儒範模群吏編卷
葦多於蘭省從身風采於柏臺帝嘉共理之良治務
之恤師吏以儒者之術存心得君子之仁此斗太山
者咸仰茂事賡馥後入悉沾師友之選極一時詩禮
傳有二子誦高文於方冊未窺夫子之墻論未契於
家端在丈人之行故茲僥冒實自吹嘘

荅温州莫守伯履

某官天賦材猷家傳政學輟列星之高選在二折之
邦况先大夫有遺愛于此州而賢刺史復共理于
變千里歡愁之俗繼萬民安樂之謠凡居轍帶之
被併蒙之賜故茲僥冒端自吹嘘

荅木状元待闈

竊以君子六千人定霸成期於一戰扶搖九萬里乎天
遂冠於群飛真國士之無雙誠後生之可畏大名
輿論翕然狀元氣稟東嘉心潛西洛探繁靜精
工雄深雅健之文蚤蜚泮水之聲窺拾計臺之
蘭省賜第楓宸銜錦標而歸事端同於盧臺成
捷年正類於周郎振賦海之名家待漲沙之
生之榮而還故里盡人子之樂而奉双親水綠

暫游於侯幕水清玉潤行同集于鳳池蔚為邦國之元
英止鄉閭之慶某壘益舊業梓陳人滋倍寫鳴之
親親鯤鵬之化世當漢武而異人輩出非過時焉
乎才非靈運而作儒在先然其年不可及矣科第
恩子富貴行將逼人頭不負於君親當相期於遠大

荅黃狀元洽

賢閎校藝雅欽江夏之無又蘭省掄材孰愛眉山於
二雋聲藉甚輿論翕然狀元名聞綺園才優盡駟
乎教化平原之地沉潜乎疏通知遠之經究若稽古何
必三萬言讀武成篇惟既二三策見蕩蕩巍巍之為克
舜知灝灝噩噩之曰商周倘借玉階必陳三陣之要術

拾地芥豈惟一經之明尚淹卓爾之才僅亞褒然之
况閩有異人而素光虎榜黃為著姓而奚出龍頭綽有
家風蔚為盛事其壘益舊業場屋陳人濫陪寫鳴之群
親親鵬鵬之化喜太學得人之盛快真才擢第之高願
不負於明君當相期於遠業

荅立狀元密

賢閎校藝筆屢掃於千軍蘭省掄材名遂參於三傑雋
聲藉甚士論翕然狀元蘊秀江陰蜚英浙右蚤游天子
之學獨抱聖人之經固嘗浚井而得泉矣止屬綽而比
事明一王之旨兼取左氏公羊高毅梁赤之長觀三策
之文庶幾晁錯董仲舒公孫弘之對魏折蟾宮之桂首

標杏園之花衫髮方青富貴已過

谷莫守賀冬

伏以氣肇黃宮天地之心始見日行北陸君子之道將
亨某官治有先大夫之風民樂賢師帥之政茂對一場
之復歡騰千里之謠某待次衡門阻趨賓宇遽拜緘封
之賜倍增感愧之懷

谷溫守表正言序

漢被殿廬蓋適我願考之始懷章里閉正事其賢者之
秋曾族賀之未遑遽明緘之先辱俯懷愧懼仰佩謙冲
某官蘭省吧儒芹宮哲匠卓矣聖賢之學粹然道德之
容議論同乎古人文章蓋其餘事方權臣用事之日官

冷廣文選

聖主當陽之初席前賞誼耀自基察處

諫垣言入之所甚難行吾之所素蘊首破和議力摧奸

謀有著蒼龜先見之明凜松柏後凋之操君子以謂古遺

直天下稱為真諫官卜上固爭挺表忠正之節一麾

出守得謝公山水之州上方念之公其歸矣某蒙恩去

國需次還鄉喜父母之邦得神明之政汲長孺雅嘗慕

盜臭味本同王仲宣茲幸依劉惔據可托

谷饒州蔡通判

麾出守迹蓋厠於九賢同官為僚治實資於半刺禮

過於厚緘未以朋共惟某官世襲衣冠家傳詩禮學古

然後入政修身乃能給人宜所至之有聲諒無入而不

得展鹿統騏驥之足貳番君山水之邦靡行終更即磨
迅擢某誤被宸命濫持郡符雅聞別乘之賢喜見天書
之面通家自今日行登元禮之門異才非王孫誤倒蔡
邕之履

荅彭教授龜年

一麾出守分符濫繼於九賢同官為僚問政尤資於半
水禮過於厚緘來以朋其官秀稟丹立名高太學擢千
佛之科第有二難之弟兄學探聖賢而志益勤文高流
章而進未艾碩此番君之故國實維筮仕之舊游昔官
彩捧之威今長杏壇之教諸公稱其博治多士次具其範
模已遂終更佇膺召擢某濫波宸命誤懷郡章自慙么

麼之寶輒拜寵褒之賜及來已久莫諧聯事之歡行李
尚留庶有見賢之幸

荅池州韓守元龍

荷分郵壤未登元禮之門書拜朋緘如見荊州之面礼
過於厚分何以堪某官生自相門妙有家學業襲簪紳
之舊才傳經緯之餘小試銅章茂著循良之績榮持使
節深知取予之宜成嗟驥足之久淹姑昇雄藩而共理
阜蓋東將而邦人共喜黃堂坐嘯而郡政自平罔俾文
公專美表湖之政寧容子厚獨稱暎泰之賢靡終更
佇膺召擢某才居下下志在休休有慙江左之家風誤
辱楚東之名郡撫封不遠願修接境之歡甲子雖唯敢

義同與之契

谷新靖州杜守明倫

守者古之國領庸德以何堪遊鄭公之鄉依仁賢而甚
幸禮過於厚誠來以朋共惟某官名重楚東氣鍾社固
言家傳之時禮富天賦之材猷自郡章之既懷惟吏事
之是究居邦必聞政總觀九賢之風學道則愛人優為
千里之治預懷社母之德想見靖人之心次已久需來
何太真集科名濫竊符竹誤分自慙么麼之資仰荷吹
履之賜見天書面目固已知賢登通德門闌行將承教

谷白待制

六官修事三朝宗聯次對典刑猶在有靖康賢相之風

麼之寶報拜寵褒之賜及承已久莫諧聯事之歡行李
尚留庶有見賢之幸

谷池州韓守元龍

符分鄰壤未登元禮之門書拜朋緘如見荊州之面禮
過於厚分何以堪某官生自相門妙有家學業襲簪紳
之舊才傳經緯之餘小試銅章茂著循良之績榮持使
節深知取予之宜感嗟曠足之久淹姑昇雄藩而共理
事蓋東時而邦人共喜黃堂坐嘯而郡政自平罔俾文
公專美袁湖之政寧容子學獨稱時泰之賢靡詩終更
行膏召擢某才居下下志在休休有慙江左之家風誤
尋是東之名郡撫對不遠願修接境之歡甲子雖唯敢

壽同與之契

杏新靖州杜守明倫

守者三之國領廣修以何堪建鄭公之鄉依仁賢而甚
其光澤於厚誠來以朋共惟某官名重楚東氣鍾杜固
嘗承德之詩礼富天賦之材猷自部章之既懷惟吏事
之是究居邦必聞政稔觀九賢之風學道則愛人優為
下之之治預懷杜母之德慈見靖人之心次已久需來
可大真集科各濫竊荷竹誤分自慙么麼之資仰荷吹
之之譽見天書面目固已知賢登通德門闡行將承教

杏白博制

承官修事三朝宗聯次對與刑猶在存靖康賢相之風

文采可觀本長慶詩豪之齋奉真祠於番水繼高躅於
香山願養遐齡昂來多福况聖召思故國之喬木而先
正有克家之象賢行以滿輪召環荷橐

杏沈運使樞

為竹濫分方託併像之庇鱗鴻遠屆遽頽面目之書盛
德謙光明緘過厚共惟某官學博既濟文繼東陽柏臺
飛半身之聲蘭首應列星之象七閩持憲了無囹圄之
完兩地効官潛贊廟堂之畫方聖主重外臺之寄以大
賢居將濬之權洞曉利源錢已流於地上深憂時事虜
其見於目中宣室興思蒼生望起某天資不敏吏事尤
疎臺評類韓愈之說說治考同陽城之下下罪甚多矣

部刺史想必能見容行或使之賢大夫恐不得終事

答陳總幹

嶺山遊宦屢修同舍之歡香水得書如見故人之面札
遍於厚紙奉以明其官氣稟劍津名蜚槐市然膏油而
善無上語乳科第如摘領底髭弟兄可謂德星世家不
忝忠肅昔宣威於吏隱今贊畫於總司績效有聞富貴
將遠其謫膏夜命濫把郡麾託末契於年家借餘光於
暮府願與此群空之馬致千里以美難同江東日暮之
雲對一博而未遂

答賀樞密

先帝先齊帝制茶跋元樞播告之初迹選胥處共惟樞

密參政白首一節赤心四朝爵齒德俱為可尊直剛人
用其所養昔馬勇退無愧鑑湖之高今也來歸不異
第之起頭用舍行藏之際實安危治亂之機大臣以道
事君春秋責備賢者不出則已必有可觀頭如魏鄭公
屢盡底蘊咸望謝安石大慰蒼生茲與議所期於公非
十朋敢私其祝

答趙通判

一麾出守至仁仰戴於堯天同官為僚可愛欣逢於道
日札過於厚紙奉以明其官氣稟劍津名蜚槐市然膏油而
同家之公子惓惓漢室之忠臣為善最樂而得於家傳
稽古入官而非以政學姑庶神明之四胃暫淹州縣之勞

番君得江湖心嘗令茲邑罷罷統展騏驎足來監此州行
起宗英入扶王室某誤息得郡亡術治民閱三月而政
未成思九賢而夢不見喜可知也幸王事之獲聯幸先
親之與邦人而共快


答樂清權縣求司法

平寬守法雅聞三語之賢愷悌攝官優布一同之政禮
過於厚絀來以朋某官天賦吏材家傳政學于公世有
隱德釋之獄無冤民考已及於書三人咸思於借一藁
爾樂成之小邑又於令尹之乏人貪有至於賊民懦或
聞於長吏口南金而守明府有類真源律大法而礼人
情茲逢卓茂允賴循良之治來緩凋瘵之民觀必爭先
之苑李

答荆南李太尉

適變子之邦方將問政識荆州之面何待封侯某官裔
出隴西群空異北稟漢將無双之氣懷周臣不二之心
遠方畧於孫吳為國家之英衛受知於上屢持大將之
權開府于荆益重長城之寄虜不敢動時方賴公某之
任遠邦假塗重鎮觀尺書之面目喜其可知聞萬福之
威名見已大晚

答歸州周守



原件短缺

吉迹相聞同慶浙江之左封疆非遠並遊巴蜀之東
來以朋禮過於厚其官詩書奕世簪紱傳家挺秀氣於
三衢馳英名於列郡展騏驎足嘗佐苗人之邦分銅虎
符遙臨楚子之邑化已形於千里治未及於期年更不
俟終召其非晚某備員番水易任夔所將候道以觀風
且登堂而問政面目之書已見喜得其入唇齒之邦是
依言歸于好

答周運使

行或使之難方歎於蜀道喜可知也夢已見於周公詞
觀三峽之流書觀千里之面禮過於厚緘來以朋某官
姬籙傳芳坤維挺秀文非少而且重厚藝雖多而不吝

前日含香握蘭之選孰謂諸侯之賓客乃屈四朝之老
成更豈待終召其非晚某自番君之國易夔子之邦久
遠教仍之門墻忽見天書之面目以幕府而待杜老豈
同叢劍南遊正堂而舍蓋公頌效曹相國易夔子之邦

答施州甄守

三峽倒流方嘆川塗之險一毫出守遽蒙牋翰之修德
厚而謙恭過於禮某官中山華胄西蜀良家才兼文武
之全性稟忠義之實矯命制難陳湯有得於行權投筆
立功班超宜侯於定遠既能齟齬畧之屢試姑息蓋朱
帷之暫乘控巴地之上游守清江之名郡化已形於千
里威且震於四夷更靡待終召其非晚

荅周運使

若向巴人方起杜陵之嘆憂銷王紫幸依劉表之賢使
已近於光華禮將動於吐握某官道師孔孟才配卿雲
金門玉堂謂踐揚之已久木牛流馬奚飛輓之尚菴詔
將下於蜀天公其帰於魏闕某敬拜宸命行趨計臺媿
謝賸之未修辱賀緘之先及同西州之士願承教於鄉
先生與列郎之民咸託庇於部刺史

荅茶運使

渭北江東起日昏昏天之嘆烏蠻鳥道同孤城絕塞之
遷行或使之喜可知也某官雁塔前輩麟臺故人既臭
味之素同亦行藏之不異愛君憂國抗章如出於一心

節分符遊宦相從於萬里某敬拜宸命將趨計臺媿
謝賸之未修辱賀緘之未及傾蓋如故久論程孔之交
呼酒勸君行講韓張之好

荅潼川運使何舍人

番水期年治七善狀夔門萬里地竊巨藩揣庸繆以何
堪付高明而自尉某官學本自得才尤不群道造子思
之誠氣養孟軻之浩傑立角出於永嘉多士之地難進
易退於權臣用事之秋翁然稱鄉先生卓爾為天下士
分符持憲不辭蜀道之難憂國愛民寧羨錦城之樂
某叨預梓里稔聞月評仰齒德爵之俱尊喜風馬牛之
相及叱西州之馭稷孝子而為忠臣依高阜之賢視青

天其如平地

答前四川茶馬續修撰齋

國遊夔子稔聞舜友之風地過荊州未識韓侯之面目
仰瞻於數仞遽下拜於雙絨某官虞庠舊人晉國奇士
仕途歷三十年之久鵬程搏九萬里之高牧民如牧羊
為治素同於卜式問人不問馬存心無媿於宣尼坎則
止而流則乘仕不喜而已不愠求田問舍孰云不高結
綬彈冠亦何足慕優游里巷願養年齡然朝廷方思老
成况天下咸仰齒德宣室未前賈誼蒲輪必起枚生某
涉世最疎蒙恩誤寄方觀風而入境思問政以升堂庭
過伯魚竊效陳亢之喜善傳雙鯉益嘆玉川之賢

卷沈待制調

屢上詞章誤得股肱之郡未修坐牘遽觀面目之書絨
來以朋禮過於厚某官望隆若雪世耀貂蟬八詠逸才
真隱侯之華胄一門盛事實故相之難兄嘗分浙右之
符尤著閩南之績奉真祠之已久冀後蒙之尚淹行起
老成以尉中外某聞分絕塞地易近藩將入境以觀風
且登堂而問政歸自夔子國幸風波之已逃遊于鄭公
鄉庶罪戾之可免

答劉大諫

屢上祠章誤得股肱之郡未修竿牘遂觀面目之書絨
來以朋禮失之過某官學貫今古心潛聖賢樂道幾於

屢空養氣本無以直然青黎燭讀異書於蓬萊詠白蘋
詩起清風於茗雪當龍飛乾道之始正鳳鳴朝陽之秋
官居諫垣色正朝路稱堯舜者無非孟子誰與王言指
恭顯者豈無京房孰若公勇道而去令名益高爭無
媿於七人貴矣煩於五馬然臧倉存而魯侯不遇既承
權去則李絳必來益輸賦畝之忠往贊岩廊之治某叨
與同舍素蒙異知迹雖隔於江湖心不忘於館閣

● 卷凌尚書

兩朝重望一代儒宗擢第若摘領髭魏中甲科之選理
身如梳且髮了無纖垢之汙時可用而則行道無入而
不得入則懋立朝之節出則騰治節之聲退之以薦賢

為心天官惟允行儉有知人之鑑吏選尤精方聽履而
上屋辰處衡孟而樂賢聖久淹家食想在宸衷佇繇八
座之尊拱拜三公之貴其頃以晚進叨居下僚適矣門
墻之遠觀然山斗之仰

與沈尚書

易郡而東誤得股肱之重去天非遠喜瞻喉舌之尊行
逐登龍敢先致鯉某官書讀萬卷名登兩科負貢生通
達國體之才有韓子涵泳聖涯之學言無發而不中取
高北闕之書治所至而有聲尤振西州之譽上意每注
於安危之際公色不變於繁悴之交人才甚難今日有
幾况當守方興衰而撥亂豈重臣可置敬以接聞諒與

宣室之恩即起東山之卧某為學最淺受知實深賢關
肯與於陶鎔詞技誤蒙於薦引去門墻其已久仰山斗
而不忘行由或使而身竄於變喜亦可知而鄉遊於鄭
事大夫之賢者竊效古人之居邦就有道而正焉庶幾
君子之好學

答姚子才

喜蒙肯顧寵示長牋豈惟嘆駢四儷六之精抑亦見聞
一知十之學方觀韓子送何堅歸道州之文端賴澹臺
助言恒為武城之治尚容再見以取謝私

答章教授

日邊得郡寄千里之眼眩魚腹有書見五年之面目禮

過於厚分非可堪某官雖秀相門蜚聲帝學文法漢而
尤古詩擬騷而更工衣冠盛唐室之蘭詩禮傳孔庭之
禮滿門科第繼元佑首開之風異日功名嗣慶曆名臣
之頌學無入而不得畏何來之大遲窮年屹屹膏油業
已精於韓吏部諸公家豈嘗省官豈冷於鄭廣文名譽
已崇富貴將逼某燈共庠序年同遠巡懷高山流水之
音起日暮春天之嘆遠官變子圖幸已脫於風波來遊
鄭公鄉庶可逃於罪戾

答泉州交代周參政

千里分符叨繼重臣之後雙絨拜賜輒為盛德之先魏
鳳有期續貂為媿共惟某官學術荀孟人才高夔昔遇

上皇贊風來於臺諫晚事聖主贊謀議於廟堂又均逸
亦巨藩暫養高於琳宇如昔者大老之二兼天下達尊
之三益歸乎來受主作相某不學亡術見賢思齊將入
境必親風頭登堂而問政竊比曹相一遵蕭何之規真
見周公不比宣尼之夢

與福州王參政

五載三州万幸投閑而置散一麾千里又叨宣化而承
重願大邦雖非小子所堪然便道有見先生之喜共惟
某官性天小卓材地闊深道扶孔孟而襲其傳文追楊
馬而為之配變儒風於兩學最治績於四川榮長諫垣
所陳無非大事魏參政柄有告必以嘉猷方蹇蹇以立

朝遂管營而去國四海咸慕其復起七閩豈得而獨私
盍歸何來如古者之二大老無出其右兼天下之三達
尊願趣曹裝即膺漢詔某門闕下士學校諸生蚤親模
範之工遂玷簪紳之寵茲監噶於剡郡幸密隸於宗獻
欲問為邦竊自比於顏子願言承教終不叛於韓公

答趙知宗

五年三郡方幸投閑十劄十行又叨共理遠辱朋儕之
及仰欽謙德之光伏惟某官冰出銀潢名高玉牒術業
炎劉之歆向勳謀山李之江河兼爵齒德之尊有履歷
頌之好帝眷尤甚宗盟有光况倦倦忠臣不忘賦詠之
念俾振振君子咸陶麟趾之風佇觀昌魯之季孫行作

相周之衛武某昔在越絕獲知宗英屢陪觴詠之造火
闕咲談之樂不謂晚塗遊宦重遇平生故人將復
復繼蘭亭之盛不令坡老獨稱安寔之賢

荅蔣教授

不學亡術繆懷刺史之章同官為僚行詣廣文之舍
過於厚緘來以朋某官姬籙傳芳蒲田挺秀深究群經
之旨早聯千佛之名登科蓋已十八年讀書何止五千
卷眷此清涼之郡唯為遊宦之鄉昔鳴子賤之琴今生
馬融之帳化同魯國諸生感采於藻芹文振歐陽高第
行登於龍虎官宜容冷詔將被溫某主朝甚愚為政尤
拙已五年而三郡又千里而一麾將入境以觀風且計

政 堂而問道見尺書之面已得其人游半水之官願咨

荅興化陸教授

五年四郡誤懷假守之章千里尺書快觀同年之面禮
過於厚緘來以朋某官秀挺三山風高二陸才蓋由於
天賦學况得於家傳博風宜上於天池采藻尚容於侯
洋眷茲蒲水實為冠帶之鄉宜得宣公以昌仁道之學
官豈容冷詔行被溫某符竹濫分寶都是賴方驅車而
假道願問政以登堂誦十年尊酒之詩辰乎何處見子
弗明經之士喜也可知

荅任運使

五年三郡方幸投闕一札十行又叨共理首辱朋黨之
貶仰欽謹德之光某官秀挺三山名高千佛歸吏必以
儒術修身本乎誠明色正霜臺風采稔聞於半身位分
卿月禮樂咸資於一變入則居清要之官出則為光幸
之使著治績於數路藹歡聲於七閩始為轉餉之蕭肅
作流錢之晏苟非仁義固未嘗陳於王前其在朝廷又
孰敢於諸任齒使軼暫屈召節昇來某涉世最疎辱知
素厚千里誤分於符竹二天仰賴於悌懷教化茂而風
俗夷小諸侯敢不自勉撫字勞而催科拙賢使者必能
見容

答石察判起宗

魏中亞魁策歸故里大策傳傳於多士長牋寵及於
人事甚盛而獲觀喜欲言而不足某官家傳萬石譽播
七閩志雅在於奪標射果聞於中目詳觀切直之對深
得茂明之宜雖策敷有蕭一曾次之或殊然公議以王
後廬前為未惟清泉紉帽處改觀於溫陵綠水紅蓮聊
宦游於越絕佇自賓幕即登道山其幸茲分符叨與勸
駕果遂郊迎之語渾憶簪盞誠式端其歸策親之樂
孰加此不負所學許國之忠其自今

答郭縣尉

榮擢魏第言放故鄉存蒙郡騎之臨重拜雄文之既老
獲觀於盛事喜實倍於常情某官經曹獲麟文冠為

蘭省復居於前列英聲益重於南州暫淹龍虎之義名
姑作神仙之隱吏力蓋由於稽古入咸貴於為儒託諸
空言科第既已恩子行其所學忠孝可以立身微聖賢
其誰與歸於禮樂必從先進願自今日以觀遠猷

答與化何知軍

地異楚齊海不分於南北國猶魯衛政竊比於弟兄况
為天子守土之臣宜講諸侯睦鄰之好禮過於厚緘來
以朋某官挺生相門妙有家學早蜚聲於槐市果巍第
於風宸倦倦懷憂國之誠耿耿抱疾邪之憤官清而要
祭躋列宿之躔氣直以剛力請上方之劍乃反落御史
之膽恨不斷佞臣之頭

不武上嘉蹇諤卒行其言天賞精忠遂魁其子風采聳
於天下名節立於筆端益婦王荀之班姑養琳宮之浩
符分千里方歌來莫之廉詔下九重行作去思之武某
名雁塔共事賢關既臭味之素同又封疆之不遠相
為喜齒之國義莫重焉敬觀面目之書喜可知也

賀張尚書

伏審力辭後橐榮奉真祠縉紳高勇決之風當守惜老
成之去不負所學於夫子無媿陸宣公能全大節還故
鄉真同道清獻其受知最厚資喜尤深方當危疑之秋
倍為明哲之賀日探車騎即登門墻

賀陳右相

是與大號相登真駕華呼萬方聲動列辟某官氣天以
直學明而誠入則正色於朝廷出則乃心於王室行藏
合聖人之用舍進退為天下之重輕不肯枉尺而直尋
身可而替不意慶上而求去甚力瞻愈隆而挽留
之堅可謂大臣已久慰蒼生之望爰立作相宜盡行平
之之言續坐底於咸熙喜真成於不寐

賀汪尚書應奉

志書帝制崇總天官讀侍金華班高玉筍共惟慶慰其
下書清宮卷心醉六經養孟軻之直剛得仲尼之忠恕
入則居獻納論思之地出則摠方伯連師之權德名重
於學漢津行最於閩蜀學以傳道真宜為萬乘之師才

可佐王美止居六官之長孰能熙帝之載當今舍公其
誰茲與議之所期非某敢私其祝

賀陳左相康伯

誕敷明命步首台用賢非以序遷簡帝實由人望某
官學博聖絕心造道微德寬大而能有容氣直剛而不
可奪入則以嘉猷而告君出則以斯道而覺民房元齡
心不啓權斯能持於衆美蕭相國法若畫一固宜冠於
群臣况宰相以鎮撫四夷而丈夫當掃除天下今日之
事舍公其誰侵疆未掃人咸望於夫子不仁者遠功實
在於舉陶罔俾古人獨專其美

賀虞右相丑文

廷漢大魏朝登碩儒選衆得賢若萍湯命相之日紹繼
相實如又富宣麻之時誰呼萬方聳動列辟某官專自
仁出忠由孝移鯁諤傳世南之風敦義稟坤爻之德入
明以嘉猷而告后出則以斯道而覺民拯社稷於艱危
震胡塵於談笑周喻赤壁之外不見雋功謝安淝水以
遠未聞桐業公獨得於兼備事非止於一書樞府出而
全蜀安家衣婦而敵國俱果膺受立式慰爾瞻然大臣
以道事君而春秋責備賢者願以天下而自任勿謂吾
君之不能魯國侵疆未歸責端在於夫子樂正為人好
善喜竊同於孟軻固俾古人獨專其美

與交代胡侍郎

執筆竊切昔類蕪腹之倚分符閩嶠今同獠狝之颺不
爲衰暮之孤蹤復有交承之雅契某官心傳絕學天賦
剛腸富茲邪謀國之秋奮忠誼敢言之勇朱雲請上方
劍欲斬佞臣之頭賈生陳痛哭誓願繫單于之頸去國
蓋一萬里沒荒踰二十年會上聖之嗣興起孤忠於久
廢心惟憂國曩推造膝之誠義不戴天力沮和戎之議
卒落落而難合竟栖栖而不容周宣方撥亂以興衰緒
予乃投閑而置散銜孟里巷晦迹桑榆盍歸乎耒耨事
之問在伯始無出其右十里之難制一賢赤心素結於
書知白首姑煩於卧治初需漳浦之次遽易溫陵之麾
行埃番中詎容補外某輩行相絕官僚偶同聽詩書執

禮之言資直諫多聞之益左右共書於言動後先相繼
以承宣誦十年尊酒之詩修尺素雙魚之敬來何太早
重慶曾相國之裝此務惟新美頌楚令尹之告

梅溪先生後集卷第二十三

梅溪先生後集卷第二十四

小簡

答呂主簿廷

某頓首再拜氣蕭晚秋候臨良月伏惟主簿學士百祥
交相萬福駢臻某仰竊茲休重蒙記錄謹因回介少布
謝悰不宣

某向寓雪溪獲瞻芝宇千里相逢而遂成傾蓋一樽屢
共而辱與論文念几席之久違荷故舊之不棄遠領翰
墨仰佩謙勤披味以還感魏兼集

某官斯文老匠後進名師不倦學古之心尤高鑄人之
手聲望煒燁平生知識最多人物魁梧他日富貴何患

行見公朝之薦鷲寧憂小邑之栖鸞願調護於鼎茵佇
翔翔於臺閣

某比因竊第之遷遂適披雲之願特蒙枉顧益見撫
別離經時行將命絃呂之駕會合有日要頌聯孟韓之
詩惟是願言併遲面究

某盪被宸恩荐更幕府未修謝牘遽拜賀緘蒙長者之
見先愧小人之不敏遂有親依之幸尤深忻忭之誠探
禹穴而登稽山願觀古謀泛剡溪而訪安道不廢家風
與王安撫師心

會稽地廣民夥號東南大都會第以連歲灾荒今年尤
甚孟秋之初大風淫雨繼以江濤暴漲飄廬舍害禾稼

瀕海之民死徙者稍多茲固仁人君子所宜動心仰惟
入境之初首加訪問下車之始撫字為先上以寬聖君
東顧之憂下以慰越人引領之望不勝幸甚某備真幕
職目覩其事輒敢以聞

與趙侍郎令報

拜違台鏡晦朔遽更仰德之誠不忘鑒竊竊惟視印之
初人事紛冗尺牘修敬不敢輒先雖去思之意不裁於
越人而後賀之罪已同於譚子尚冀貸其不敏

某官疏通練達寬厚老成歷四十年之仕途號二千石
之治家憲閩帥越異績愈彰方當宁以用度為憂昇明
公以貨泉之柄中外相賀以為得人昔蕭何轉漕關中

以給民食劉晏流錢地上用佐中興久無其人惟公是
望輿論攸屬某非敢私比者天降之災害及稼穡越人
瘠矣得旨賑濟遂獲更生竊知公為上言之活人手段
已見於得君之初也公已去而不忘越越人德公亦將
終身而不忘甘棠勿伐之詠在越而不在燕矣
某以書生贊慕情無所知仰荷包荒不賜譴斥子犯有
罪猶自知之妻公見容可謂威德尚美始終垂庇獲免
於戾威戴何窮

與王舍人剛中

史館舍人道德才猷文章議論真一代人傑也爰從大
對忤意權臣養浩十年卒不為附麗計公道既開平步

館閣茲者正位西掖有識相慶昔晁董蜚聲於對策而
不遇明主常錫得體於制誥而俱非正人夫豈如公兼
備衆美至若子基以潤色有功而立鄭宣公以代言振
職而興唐相業可嘉起於辭令天下縉紳所同望於門
下非某區區私祝也

伏審代言西掖被命為真自代之章輒及寒賤辭惟斯
舉本非虛文前輩達賢引類多在於此爰從近歲茲道
不公不出於觀望則生於請託故上不以實而求下亦
以文而應自非高明特達之士以公道為已任孰肯於
觀望請託之外而舉人仰惟大賢獨追前輩自顧何人
可當公舉獎借過情感竭亡地落亭一封聊申謝臆雖

舉於公朝不當講私謝之禮然待以國士其可以衆人
報耶

答陳少卿

某前歲竊第行朝遂獲出入門下者數月伏蒙顧遇情
均父兄私心感激無以借喻况獲珠玉盈篋以歸輝映
里閭寵於得第親故相見首以公之遇我者告之無不
欽嘆厚德尚恨未有圖報之所而大旆已西瞻望門墻
不勝依戀

李路幹至越首拜請絨之賜累幅勤厚如面台顏伏承
養浩丘園日有文字詩酒之樂仰見大君子所蘊過人
朝著山林無入而不自得又蒙欲以所作見示尤荷台

眷之篤將始終教誨成就之也果蒙不鄙甚幸甚幸

答李丞務

蒙示先叅政墳記三復流涕仍需挽章感認不鄙恭惟
叅政宏才碩學精忠大節凜然當代少見其比雖晚路
為權臣所抑不獲伸其素志然天下公論史官直筆斷
不可誣某輩鄙陋之詞豈足以發揚其萬一平生之所
以聳慕者有不可辭三章護往惶愧亡地

與張臺法

臺法鄉丈茂對新揚檢勅臺憲神相忠嘉台候萬福某
日者伏審光膺寵命喜至於躍念欲即修賀書切謂大
賢進用不止於此日珠璣擢故少遲之非敢自外於門

下也仰惟聖君求治甚切不為無事吾鄉一二先達致
身臺諫當得言之秋必能明目張膽以慰公論某所以
遲遲而賀者亦姑有待焉敢乞上體眷隆展盡底蘊以
結主知指日大用以福蒼生以副簪紳之望維桑與梓
亦被餘榮

答溫守周侍郎

伏蒙賜以書翰圓緘累幅禮意有加旨酒生羊為贖甚
寵近代先達薦紳以名位自居貴不下賤久矣兼達尊
之二且身為邦伯而禮先於寒賤後學德盛而謙世所
未有顧某何者可以蒙此邪下拜之餘感懼并集

答台守凌侍郎

伏蒙台慈召某假塗赴闕特有寵賜某竊聞將有遠行
行必以贍雖百鎰在所不辭然可以無取取則傷廉雖
一錢有不宜受獨於仁者之賜輒起小人之貪拜跪以
還感媿無地今祇領到州十千省發路之賜謹用回納

與王運使之望

某官道德政事文章經術當於古人前輩中求之非止
可為今日儒宗吏師也朝廷方以全蜀為重故界以外
臺之寄恩威五十四郡屹然為國長城以寬主上西顧
之憂豈以蕭何能轉輸劉晏知取予之事而免縉紳先
生耶

越蜀相去萬里不修輿居間又復二年惟拳拳斗仰之

誠不替朝夕去歲邸報中獲觀書諫列薦之章士夫議
與不識罔不歛嘆門下士喜如之何清資峻秩不足為
先生榮異日特書大書屢書者為可貴爾比至行朝虞
郎中出示蜀中小錄竊知職試文衡獲觀約束
知其所得必真才實學相如楊雄二蘇章一網盡矣昔
榜已揭太學得百餘人可謂盛事皆出先生疇昔作成
教導之賜也近年文體屢變學官屢易士子多異論惟
推服吾先生至今無異辭入蜀以來聲聞益著朝論翕
然何大諫諸公稱道尤力召還必在數月間某或未以
罪去復有捫衣之幸矣
某晚學不才試吏越幕自謂必以瘵曠獲罪誤蒙郡帥

王書見知嘗薦僚屬四人于朝以其為首然某亦佩服
先生之教在越兩載不敢以一字違廟堂諸公臘月七
日終更當日挈賤累還鄉欲屏迹山林以安愚拙不謂
叨被誤恩有校讎冊府之命退惟僥冒實出先生平日
齒牙餘賜第切媿感穀日離家二月初至行朝供職已
半月賤累猶未來也汪聖錫為少蓬尤厭士論館中皆
一時英雋某廁迹其間葭倚群玉媿不自勝先生顧遇
素厚必有以警策不逮俾終為善類之端幸甚
某比因廷對尤荷今四川制置王文見知代言西掖舉
以自代自惟疎繆聲迹沈下仰蒙特達感激不已以國
士見遇者惟吾先生及舍人文三人今皆在萬里故某

婦依慕用之誠尤在於蜀也間梁二同年試吏兩川帥
幕間質直梁俊邁皆蜀中佳士獲茲事大賢必蒙厚遇
劉韶美官教在會稽遊從甚款自謂受不於先生語必
慨然葉樞至越見之大以為奇延譽諸公今亦移行朝
供職矣先生行將大用為賢報國尤所當先闕察推老
矣當不待終更而薦之可也與論所欲非某敢私

答曾知郡汪

某官人物不群才德俱邵學術通倫類而無入不得儒
雅飾吏事而所至有聲南州之政已聞北闕之詔將下
豈茲小壘可淹大賢輿論所期非某敢私祝也
往歲某官吏隱樂清主盟鄉校某獲執經與諸生之列

最蒙不以碌碌餘子遇窺奧境而知所婦皆我公博約
之賜也違去二十年兩遭家難屢因場屋声迹沈下逾
遠門牆尺書修敬莫克自致於千里之遠媿媿負負何
以自文然景山仰斗之誠初未嘗一日替仰惟高明宏
博必恕其不敏而亮其無他臨紙悚懼不自已已

與任安撫

某官全名大節凜然魁絕昔人前輩之上乃者持風憲
肅朝綱忠言讜論屢獲進止奸邪獲謀盜名器者為之
膽落議者謂雖漢天賅唐魏鄭公國朝王元之唐子方
諸公殆無以過直道不容一麾出守有識之士咸為清
朝惜之然聖主圖治方銳急於見賢端人正士決不可

久外宣室之念正深詔書行落大江之西公其為蒼生
起
某叨被誤恩被繼州府靜惟僥冒實出先達大賢吹噓
獎拔之賜寧不知感第恨來晚不獲瞻拜台光親承博
約以慰平昔慕用之誠然每見同舍郎稱頌盛德幾不
容口拍臺蓬山至今有光吾道甚幸名教甚幸

答趙撫幹伯持

荐拜劄翰之辱如對標致於几席間喜可知也暑雨未
歇伏審蓮幕風高贊畫有相台候萬福某竊標懷媿每
塵記錄蝟蟬風味不惟勝無腸公子自可以葦瑤柱江
君會稽固不易得錢塘又絕無之臨食必起故鄉之思
興與鱸尊同但不能如張翰之勇決耳遠蒙方貺以養
吾老饕餮感俱不少也道山石渠輒納墨本置之悠然
閣可與南山同入眼劉子政乃天祿閣中人豈容懷倦
倦之忠久屈于外耶

與任提舉文薦

某官以直道立朝去非其罪物論惜之茲承光奉宸恩
榮持使節作外臺之耳目聲風采於大江之西識者謂
聖眷方隆茲實大用之機與也伏想輶軒扁道而名節
已隆天氣正炎濤河未歇敢祝善保台重

某仰視台照輒有塵面某有表於實如規者宣靖間在
太學有聲後因場屋遂俯就恩科其入極有七行為鄉

里所推前任建昌尉以清白聞今任興國軍司理秋冬
間赴上賈安分自守不求知於人然某官方以人物為
心不敢不以其名聞也又觀成劉鎮者戊辰榜中乙
科其人學問工詩文通曉吏事見任洪州司法登第
一星餘尚困選調今皆獲超事大賢深為之喜儻蒙提
挈成就甚幸甚幸苟非其人某亦不敢妄舉

與王總領之書

制中去蜀如在天上不修興居狀又復一年惟是萬里
斗仰之誠不替朝夕幾對至臨安出所賜書欽閱以還
感佩謙抑去歲聞石命某喜尤不自勝謂即有瞻拜之
幸既而改除輿論殊鬱蓋朝廷以蜀為重姑留大賢然

議者謂汲長孺當在朝不當使之在外也近日廟堂設
施皆合人心如張右相胡邦行自使凌汪二公為天官
豫章宣城之除無不稱善縉紳日俟先生之歸便當為
治裝計

某竊食遼山日虞罪戾茲蒙誤恩備負佐謨退惟僥冒
實先生疇昔獎借之賜第增感激然某去冬輪對妄論
時事初自謂必得罪或主寬容不惟不怒且畧施行其
言既而諸公相繼上二一開納但側目者衆
迹不自安甘與焉國節一一同舍皆請外廟堂不肯敢
奏葉樞以其事上請率執俱不容去某以求去得還
力辭不獲入亦不佳為乞外尋祠計萬一果遂所願甚

幸甚幸先十一知遇有密更乞時賜警策俾終不為小人
之端以辱下其為幸也又大矣

幾城被辟一見先生交愛之為聞問無不欽歎第里
之行良勞一恐坐席未暖必隨台旆而還也鄭正却教
授昔在上亦獲預執經之列又與幾城游今相隨入蜀
切望周旋絜二同年近得書皆荷知遇爾又蒙以四
條首薦尤感深也近館職甚缺負次第皆名試矣主上
聖德日加陳丞相有容德頗收拾人才臺綱稍振陳應
求副端排擊奸邪保全善類尤為士論所歸乃汪端公
薦引之也用劉信神逐劉寶皆近日可喜事其他事體
幾城能言之

答王舍人信

別大君子凡三年相去二千里之遠修敬不先下拜謹
緘之寵者再矣舍人不以先達自居而謙德如此其晚
進乃敢珠怠尚何以自文耶某比備數館職與二三同
舍日以時事為憂初欲同上封事未果會當輪對遂各
以已見獻某景山野狂矣尤甚上寬大能受盡言不惟
不怒且畧施行之但左右前後瞋目切齒者終不相置
某自去冬求去劉子凡數十上凡八閱月始遂所請然
區區之意止是丐祠廟堂乃委曲如此出自望外關期
近在九月間當復中前請以遂所志不復詣仁者之里
日俟舍人文零陵執政遣歸廊廟公道復行清流增氣

某已掛之冠當復得矣

蒙示兩紙論列時事仰見舍人文天資忠義過人遠甚不以身外而忘愛君憂國心也三復以還欽嘆不已某以五月十八日離行朝至途中聞次日有虜使失禮事中外咸懷主辱以死之恥况官穿祿濃者當如何某方屏迹田野雖黜陟不知理亂不聞不復開口及時事然賦歎惓惓之誠猶前日耳况舍人文受明主之知膺千聖之寄宜其不能自己也來書所說荆襄雷化事此豈細故耶梁文賢者方居言路不可不以告之

與洪檢詳邁

比獲識檢詳難兄弟于朝讀雄偉之文聞正大之論知

天下士在一門也又辱為檢詳同舍之末荷知良不淺臨行既勤餞送仍寵以詩章歸索有光感激無已違去數月斗仰不忘需次弊鄉偶成見闕雖貧居急祿而卧病未能遽行復申祠請實非獲已儻蒙台念見廟堂諸公曲賜一言俾遂所求不勝至幸

與杜殿院起莘

伏審光膺宸命榮陟臺端天子親擢正人中外莫不相慶竊聞殿院文辨擊姦和保全善類饒君子不饒小人果或平日之語某受知最厚贊喜巨量更莫盡摠素蘊益振臺綱以滿中外之望

與吳察院希

伏審光膺宸命榮陟霜臺朝登正入中外胥慶拜違台
範垂三十年雖修敬有措而仰德不替比聞召環真成
不寐之喜然君子未來而小人已去道出發女日伺騎
音竟不瞻際悵望何已案蒙恩補外需次還鄉方幸息
肩官司來督赴任雖貧居急祿而多病未能遠行遙望
門牆倍增依慕

與汪侍郎

某入館之初侍郎丈以先達儒宗為蓬萊主人遂獲朝
夕趨隅以聽博約重辱顧遇不後同輩臨行又蒙餞別
之寵晚進不才何以得此拜違數月斗仰益塵需次弊
鄉偶成見闕貧居急於得祿便欲奔走就職緣冒暑得
庶得在家醫治少延殘喘不勝感幸

與凌侍郎景夏

某備數冊府獲識侍郎丈於朝望儼然之容聞正大之
論知朝廷之有人三十年盛名不虛得也謙恭下士真
有前輩風某愚不入時獨蒙顧遇臨行又辱寵餞禮意
有加晚學不才何以得此於大君子私心感激不自已
已違去數月斗仰彌塵需次還鄉偶成見闕雖貧居急
於得祿而卧病未能遠行復申祠請實非獲已已懇汪
丈為告廟堂更告侍郎丈曲賜一言俾遂所求幸甚

與劉察院

伏審光膺宸命榮陟霜臺大用有階善類相慶其晚學
不才濫游冊府獲親炙者幾二年薰溫粹之容稔忠厚
之論知君子所養過人媿僕輩匹夫之賤每蒙推誠顧
遇警策不敏臨行惜別著見顏色既勤飲餞又寵以詩
章誦小小林園意自憐之句覺松菊之有光也違去數
月夢寐不忘自聞新除喜不自己近朝廷去積年巨惡
大快輿論天下知臺諫之有人矣

與陳侍郎俊卿

光膺宸命榮陟從班朝登正人中外相慶天子欲其居
獻納之地天下知其為大用之皆有識君子惜其去風

憲之早也其晚進不才素蒙知遇天資狂妄尤荷保全
去遠風牆不勝依慕

與汪中丞

伏以中丞負王佐才為長御史以暴公子之威名而持
斧以裴中立之德望而視師風采所加華夏咸聳悍將
為之落膽狂虜不敢貫弓一正天下如其仁不有君子
其能國大夫出利國家安社稷茲其時哉宰相上佐天
子理陰陽執先公者業受知不淺贊喜為多方苦癢痾
之侵復伸祠飲之請望墻墻其愈遠瞻履焉而莫遑想
旌旆之已旋諒紀綱之益振倚頌大拜續走賀緘

與趙安撫

某晚學不才備數冊府景家安撫待制文顧遇不淺臨
行又辱寵贈禮意有加然待制方以清白表率縉紳某
不收自處於傷寒之地雖不拜賜而感激未嘗自己拜
違數月仲德益勸需次弊鄉偶成見闕雖貧居急於得
深然為多病所困無復弓馬相愈遠門牆不勝依慕

與梁司諫

某愚不入時獨蒙司諫文特達知遇在妾之迹賴以保
全臨行又拜清白之貺拜違數月斗仰不忘竊聞司諫
危言讜論排擊奸邪天下咸稱為真諫官莫不想望風
采樂道人之善人之常情也况某受知不淺喜當如何

答陳侍郎正同

某自北角學讀書聞先生長者之論知欽慕忠肅公之
為人去春忽忽西邁一物不暇將獨携温公忠肅二畫
像而行尊堯集雖熟閱之每以不見全集為恨茲辱頒
賜副呂石刻既慙冠下拜遂撥置群書朝夕欽誦真可
與日星爭輝非照乘珠比也

答温守徐侍郎

茲聞力請千朝已遂桐佚方與邦人同結去思未遑
拜還奉貶誨仰佩謙冲其嘗嘆近世人才少有全者或
吏才長於治郡而名節無聞或名節著於立朝而政事
多短獨侍郎文昔身使秦天下稱為正人出守海邦人
咸謂自有郡以來未有賢明太守如侍郎者非某之私

言也承台旆取道成當探伺戒途俯伏道左與攀轅之列

與溫守

某官天賦材猷家學夙著其之譽謫著簪紳 聖天子方以外治為憂臣出分符竹踐揚中外無適不宜顧東嘉小郡豈足以屈大賢第以先大監遺愛著在千里人心甘棠且猶愛之况其子耶民望使君之來久矣想不勞而治也然朝廷需才方急指日名環行見卧轡攀轅又如三十載之前舊使君之去也

答湖守陳郎中之茂

拜違一年又半矣千里仰斗之情常在夢寐中也往五

月去國行色忽遽不及以書告違還家許久去郡城稍遠無雲川便又不獲修敬媿媿負負何以自文不謂長者不以其愚不肖遠勞記憶賜以手書盈幅諄諄情辭備見如前自在道山侍儿罵承博約時也喜如之何弊鄉去湖雖遠而知郡文政聲籍籍著人耳目比得莫子齊書言吾丈去歲修城今又大忠烈廟皆有碑刻文章政事於是兩全某謂此乃通才餘事其好善嫉惡之性實中耿耿之奇識論慷慨名節凜然當於古人中求之可也某雖晚進不才辱顧過良不淺比見送馮圓仲序復及小人異日遂可託大賢之文章無不朽矣圓仲之去可惜然於出處無媿吾徒之幸元章半月之款想足

以破顏一好漢如此不容於時何耶杜楚莘盡言而去
士論甚休亦一時館閣游從盛事也其勇迹山間足迹
不到州縣闔門二百指飯雖不足亦頗能忍窮有小小
園林足以自適惟賦畝之心惓惓猶前日耳未能乘桴
從游踐送別之語臨紙不勝依依

與永嘉南溪國朝宗

業作別踰年不廢思仰自竊第歸鄉念欲一見異色之
阻願無由遂秋杪微寒伏惟文候萬福近朝廷行燕經
最優春秋吾友記問素較於場屋尤利來春有補切宜
勉力其易任會稽且夕成行他日行李過越切望見訪
以晚術士劉宇先談命頗奇中真字求見幸一過之更

望吹壘俾有所獲亦不廢之惠也會合未期望為遠業
如受

書

